



# Synfocity = 939

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

May 30, 2024

## ❑ Mizoram Christian College (MCC)-in Graduation Day an hmang

May 29, 2024 (Nilaini) khan Mizoram Christian College chuan Synod Conference Centre, Mission Vengah Graduation Day vawi 2-na an hmang.

He hun hi Ramnunmawia Pachuau leh Dr. Gloria Laldinmawiiten kaihuaiin, Dr. Tawnenga, Principal chuan kal khawmte lawmna leh zirlaite hnena thuchah a sawi a. Zirlaite chu an nun kal zelah an awmna hmun chu Pathianin a kohna hmun a ni tih hria a, chumi rilru pua hna thawk turin a chah a. Kal chhuak turte thlahna thuchah sawitu Rev. V. L. Luaia Hranleh, Synod Executive Secretary pawhin hlawhtlinna umna kawngah a tawp tha taka hlen chhuah a pawimawh thu a sawiin, zirlaite chu 3D:Devotion (Pathian nena nun inserhhranna), Duty (Mawhphurhna chanpual tha taka hlen chhuah), Discipline (Thununna hnuaia awm theihna leh mahni inthunun theihna) vawng tlat chungah hma lam pan zel turin a chah. Zirtirtute aiawhin Dr. L.V. Lalrintluangin thu a sawi bawk. Rev. Dr. K. Lallawmzuala, Synod Executive Secretary-in tawngtainain Mizoram Christian College Graduation Day vawi hnihna hi a khar a ni.

He hunah hian Synod Puipate, Department Head, Mizoram Christian College Governing Board member bakah Alumni hruaituten an hmanpui a. One In Christ leh Israel-a Pachuau ten zaiin kal khawmte an awi bawk.

## ❑ Synod Bookroom Conference 2024

May 30, 2024 (Ningani) hian Pi Zaii Hall, Synod Conference Centre-ah Synod Bookroom Conference 2024 hman a ni a, Mizoram puma Synod Bookroom zawng zawng pawh hemi ni hian khar a ni.

Conference hi zing dar 9:30-ah tan a ni a. Pu Malsawmdawngliana, Supervisor, Synod Bookroom chuan chawhma hun kaihuaiin inlawmna thu a sawi a. Pi Rosy Lalhmingmawii, Accountant-in Bookroom sum dinhmun report a pe a. Report atanga a lan danin kum kalta khan Synod Bookroom hian nasa takin hma a sawn belh a. An Budget ₹ 15,77,00,000/- chu tha taka khumin ₹ 24,61,77,315/- zet thawh chhuah a ni a, kum 1911-a Synod Bookroom din a nih atanga kum khata an thawh chhuah tam ber tum a la ni. Budget khumna hi ₹ 8,84,77,315/- niin kum kal ta chhung khan kum hmasa lama an thawh chhuah pawh ₹ 2,64,49,501/- laia an khum thu tarlan a ni bawk. Pathian awmpuina leh Kohhran mipuite thahnemngaihna azara hetiang dinhmun an thleng thei hi Synod Bookroom chuan lawmthu an sawi a ni. Chawhma hunah vek hian Upa H. Ronghaka, General Manager, PRESCOM chuan kum hmasa Bookroom Conference-a thurelte bawhzui a nih dan leh tihlawhtlin a nih dan chi hrang hrang report a pe bawk.

Chawhnu lam hun hi Upa H. Ronghaka, General Manager-in a kaihuai a, Mizoram puma Branch hrang hrangte atangin report leh rawnate ngaihthlak a ni a. Kum kaltaa Bookroom rawngbawlna hrang hrang thlirletna leh sawizauna neih a ni. Hemi hnu hian Pu Lalniliana Manager, Synod Bookroom-in Monthly Operation Review khai khawmna a nei a. Operation review-a a lan danin 2023-24 kha Synod Bookroom Branch tam ber tan Sale tam ber kum a nih thu leh Synod Bookroom Branch-ten an budget an khum that thu tarlan a ni.

Synod Bookroom Branch tha thlante hnenah Rev. V.L. Luaia Hranleh, Executive Secretary chuan lawmman a sem a. Kum 2023-24 chhunga Synod Bookroom Branch tha thlan chhuahte chu -

Pakhatna : Synod Bookroom Headquarters Showroom, Aizawl

Pahnihna : Synod Bookroom Zemabawk North Branch, Aizawl

Pathumna : Synod Bookroom Chanmari Branch, Aizawl

Tun dinhmunah Synod Bookroom hian Branch 16 neiin Distribution Centre 45 a awm mek a ni.

☐ **Lay Day**

May 31, 2024 (Zirtawpni) hian Synod Lay Workers Fellowship Annual General Meeting (Lay Day) chu Synod Hospital, Durtlangah hman a ni dawn.

Lay Day hi hun hniha then a ni a, chawhma lamah Hun Urhsun hman a ni ang a, Upa Thangliankhuma, Vice Chairman, SLWF-in a kaihrui ang a, Secretary leh Treasurer report ngaihthlak a ni ang, Rev. R. Vanlalngbaka, Synod Moderator-in Lay Day Address a sawi ang a. Lay Day thupui 'Rawngbawlina leh Tunlai khawvel' tih chu Upa R. Lalmalsawman a sawi ang a, zaithiam NI. Zoramchhani a zai ang. Chawhnu programme hi Multipurpose Hall, College of Nursing, Synod Hospital-ah hman a ni ang a, Upa Vanlalsawma Khiangte, Finance Secretary, SLWF-in a kaihrui ang a, member pension-a chhuak mi 23 hnenah ngaihhraina thilpek hlan a ni ang a, variety programme hman a ni ang a, tlaiah zanriah kil ho a ni ang.

Synod Lay Workers Fellowship (SLWF) hi Synod hnuai thawktu Aizawl-a awm Pastor ni lo zawng te intel khawmna a ni a, kum tin May thla Zirtawpni hnuhnung berah Lay Day an hman thih a, tun dinhmunah Synod Lay Workers Fellowship-ah hian member 998 an awm a ni.

Lay Day (May 31) ni hian Synod hnuai Department hrang hrangte dawr theih an ni dawn lo a ni.

☐ **Worship**

May 28, 2024 (Thawhlehi) khan Bungtlang South Bial KTP Solfa leh Khuang vuak training neihpuiin Pu Benjamin Sailo, Music Instructor leh Tv. Bernard Vanlalmuanpuia, Keyboardist te an kal.

☐ **MSSU**

♦ May 31, 2024 (Zirtawpni) zan hian Bethlehem Kohhranah Sunday School zirtirtu training neihpui turin Upa B. Lalhmunliana, trainer a kal ang.

♦ June 1, 2024 (Inrinni) hian Sesawng Bialah Sunday School zirtirtu training neihpui turin trainer-te, Upa Hrilthansanga, Upa Lalchuilova leh Upa Isak Zarzoliana Chhangte te an kal ang.

☐ **SL&PB**

June 1, 2024 (Inrinni) hian Thingsulthliah Bialah Literature Seminar leh Campaign nei turin Rev. Lalbiaknia, Editor; Pu Zohmangaiha, Asst. Editor; Rev. C. Sangliana, BEC leh Upa R. Lallianzuala, Chanmari te an kal ang.

☐ **Synod Mission Board**

♦ **Jharkhand Mission Field**

May 24, 2024 (Zirtawpni) khan belhtu thar pakhat a awm a, ni 26 (Pathianni) khan belhtu thar pahnih an awm bawk.

♦ **Calcutta Mission Field**

May 26, 2024 (Pathianni) khan belhtu thar pariat an awm.

♦ **Lucknow Mission Field**

May 26, 2024 (Pathianni) khan belhtu thar pakhat a awm.

♦ **Assam Mission Field**

May 26, 2024 (Pathianni) khan belhtu thar pathum an awm.

♦ **Karbi Anglong Mission Field**

May 26, 2024 (Pathianni) khan belhtu thar pariat an awm.

♦ **Delhi Mission Field**

May 26, 2024 (Pathianni) khan belhtu thar 12 an awm.

☐ **FM Zoawi - Aizawl & Lunglei : Hruaina Eng Radio Programme**

**May 31, 2024 (Zirtawpni) @ 7:30 p.m. :**

**FAK HLA HUANG**

**Solo :** Lalrinmawii, **Thusawi :** Upa R. Dengzikpuia - A ram leh a felna zawng hmasa rawh u,  
**Zaipawl :** Lungchuan Kohhran Pavalai Pawl - Lalpa hmangaihna, **Zaipawl :** Mizoram Synod Choir - Pathian Kohhran

☐ **Su Samachar Prasaran Programme :**

**June 2, 2024 (Pathianni) 5:30 pm. :**

**Group/Choir/Solo :** Khatla South Female Voice - Shukrya, **Group/Choir/Solo :** Chanmari West - Yesu Mere, **Sermon :** Rev. B. Zobiaktluanga, **Group/Choir/Solo :** P.C. Lianhmingthanga - Sahara  
**Group/Choir/Solo :** Zotlang - Sara Zaha

❑ **Hruaina Eng TV Programme**

- 30.5.2024 (Ningani) 8:30 pm : Thupui zir bing  
 31.5.2024 (Zirtawpni) 5:00 pm : Kristian Naupang Pual  
 1.6.2024 (Inrinni) 5:30 pm : Puitling Sunday School Zirlai  
 2.6.2024 (Pathianni) 8:00 am : Weekly round up  
 5:30 pm : Su Samachar Prasaran  
 3.6.2024 (Thawhtanni) 8:30 pm : Hruaina Eng Luang chhuak

❑ **Moderator leh Executive Secretary-te Programme:**

**Rev. R. Vanlalngbaka : Moderator**

June 1-2, 2024 Sialhawk Bial tlawh

**Rev. C. Zoramawia : Senior Executive Secretary**

June 1-9, 2024 chhungin zin programme nei lovin Office-ah a awm ang

**Rev. V.L. Luaia Hranleh : Executive Secretary**

June 1-9, 2024 chhungin zin programme nei lovin Office-ah a awm ang

**Rev. Dr. K. Lallawmzuala : Executive Secretary**

June 7&8, 2024 Prison Ministry Programme - ITI Vengchhak

June 9, 2024 Model Veng Kohhran Jubilee lawmna hmanpui

**June 4-6 chhunga Synod Executive Committee (SEC)-ah Moderator leh Executive Secretary-te an thu ang.**

**SYNOD REVIVAL HRIATTIRNA**

June 4-8, 2024 chhung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu Lalthakunga, Krista Chhiahhlawh Team a ni ang. Camping Fee mi pakhat tan ` 100/- a ni a, Mutbu bakah Bible, Hlabu, Pen, Note Bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

Sd/-  
 Director  
 Synod Revival Dept.

**SYNOD BOOKROOM LEHKHABU CHHUAQ THAR - APRIL, 2024**

- |   |         |
|---|---------|
| 1. Thuthlung Thar Bih Chianna: <i>Rev. P.C. Nghaklianmawia</i>  | ₹ 500/- |
| 2. Bible Milem :  | ₹ 20/-  |
| 3. Paula-Apostol Danglam: <i>SL&amp;PB</i>                      | ₹ 150/- |
| 4. Bible Thu Thuk Chhuina Vol 1&2: <i>H. Joseph Lalfakmawia</i> | ₹ 400/- |
| 5. Pathian Hi A Awm Tak Tak Em?: <i>Rosangpuia Fanai</i>        | ₹ 250/- |
| 6. Harsatna Kara Pathian Min Hruaina: <i>Upa R. Vanlaldika</i>  | ₹ 100/- |
| 7. Tualchher Criticism: <i>C. Lalawmpuia Vanchiau</i>           | ₹ 350/- |
| 8. Selet Thanga Kutchhuak: <i>H. Thangmawizuala</i>             | ₹ 150/- |
| 9. A Phek Lehnam Hring Nun: <i>Lalhruaitluanga Renthlei</i>     | ₹ 250/- |
| 10. Mizo Tawng Chikna: <i>Ralluiai Chhangte</i>                 | ₹ 200/- |
| 11. Self-Hindi Instructor: <i>H. Pahlira</i>                    | ₹ 150/- |
| 12. Cocktail Chawhpawlh: <i>LTL Fima</i>                        | ₹ 229/- |

